

事循整，乡间敬式。娥父醉渔，风卒起不能舟，遂以溺死，求尸不得。娥闻父死，走哭水上，三日不食，耳鼻流血，气尽伏死。明日尸出，鼃鱼鼃蛟浮死万数，塞川下流。鄱旁小民悲感怨号，以为神奇。县人乡人会钱具仪，葬娥鄱水西横道上。追思不足，相与作石，以诒后世。其辞曰：

生德无类，气灵而休。嗟兹孝娥，惟行之周。渊懿含贞，好靖不游。纤葛缔纆，克供以修。蒸蒸在家，其父世渔，饮酒不节，死乎风涛。匍匐来哭，号天以呼，颜目耳鼻，膏血交流，三日顿踣，气竭形枯。父尸既出，孝质已殂。龟鼃鼃，有蛟洎鱼，充流溢岸，旁出仰浮。见怪形异，适与我谋。鄱民哀号，或以颂歌。齐女色忧，伤槐罢诛。赵姬完父，操棹爰讴。肉刑不施，汉美淳于。烈烈孝娥，水死上虞。娥之至德，实与为俦。恒人有言，惟教是图。懿兹德女，家世不儒。奇行特出，神道莫酬。穷哀罔泄，终古以留。乡人好礼，爰立兹丘。建铭当道，过者下车。

（原载《柳河东集》）

黔宁王沐英祖墓神道碑略

〔明〕程本立

王姓李氏，讳英，字文英，系出金紫大夫德鸾公后，世家饶之乐平七都大汾潭，祖以军寓凤阳定远，八岁而孤。遭元末大乱，居室毁于兵，随母逃难。母寻卒，惴无所归，谒上濠梁，上为恻然，与孝慈皇后抚为子，赐姓朱氏。上即位，诏王改姓沐氏。王天资忠孝，年十八为帐前都尉，累升督府。三十三封西平侯，进阶荣禄大夫。屡从征伐，建奇勋，斩首虏获，不可胜纪。洪武十四年，王为副将军，征云南，料敌设奇，所向皆克。缘土酋乍降乍叛，王分兵殄灭，云南遂平。捷闻，诏留镇云南。明年，哭孝慈皇后，三日不食，恸几绝。又明年，哭皇太子失声，饮食为少，一日暴薨，时二十五年夏六月丁卯也，享年四十有八。滇中莫不奔号，讣闻京师，上哭之恸，不视朝者一日。自为文，遣礼官往祭，命嗣子春奉丧归。诏封黔宁王三代，考皆黔宁王，妣皆黔宁王夫人。冬十一月庚午，以王礼葬江宁县长泰北乡观音山之原。自丧归至葬，上遣使使者三，皇太孙、亲王遣使祭者再。葬之二日，诏春袭西平侯爵，嗣镇云南，赐白金若干万两。明年，太常以太牢祭王功臣庙。而云南父老、诸酋首合辞，愿立庙祀王，守臣奏请，上许可之。又明年庙成，嗣侯具疏躬谢，更乞遣将代镇，亲诣乐平致祭先莹，并修墓碑，以勒勋德。秋八月命下，诏春进爵黔国公，子孙世镇云南，非奏诏遣，不许擅离汛地，祖墓遣官代祭，仍将历奏丰功刻石，一立乐平之祖祠，一立江宁之功臣祠，以垂永久。春仰体上命，遣指挥郑祥往乐平祀祖，并修神道碑。自是世祭不乏。

（原载乾隆《乐平县志》）

五、书 启

使金上母书

〔宋〕洪皓

皓违远膝下，忽忽十二年，中间两大病，自谓必不起，天怜羸苦，偶幸再生。日夜忧愁，娘